

Na osnovu Okvirnog sporazuma za "Stručni nadzor na izvođenju radova izgradnje, rekonstrukcije, rehabilitacije i održavanja puteva na području Kantona Sarajevo za period 2021-2023", broj: 04-11-50263-OS/20 od dana 02.03.2021. godine i člana 32. Zakona o javnim nabavkama u BiH („Službeni glasnik BiH”, broj 39/14) zaključuje se

U G O V O R I I

za usluge nadzora za

„Izvođenje radova redovnog održavanja pumpi i agregata za sisteme odvodnje podvožnjaka Otes, Buća Potok, Osijek i Stup”

Ugovorne strane:

Direkcija za puteve Kantona Sarajevo, ul. Hamida Dizdara broj 1, Sarajevo, koju zastupa direktor Selmir Kovač, dipl. ing. saob. (u daljem tekstu: **Naručilac**)

i

Institut za građevinarstvo „IG“ d.o.o. Banja Luka, Ul. kralja Petra I Karađorđevića broj 92-96, 78000 Banja Luka, JIB: 4400918310005, koga zastupa direktor doc. dr. Nebojša Knežević (u daljem tekstu: **Izvršilac**)

PREDMET UGOVORA

Član 1.

Predmet ovog ugovora su usluge nadzora za: **izvođenje radova redovnog održavanja pumpi i agregata za sisteme odvodnje podvožnjaka Otes, Buća Potok, Osijek i Stup**, u svemu prema postupku javne nabavke broj: 04-11-50263/20, provedenog putem otvorenog postupka, uslova i priloga tenderske dokumentacije, zaključenom okvirnom sporazumu, dostavljene ponude Izvođača radova i Odluke o izboru najpovoljnijeg ponuđača, donesene u predmetnom postupku.

Član 2.

Sve odredbe zaključenog okvirnog sporazuma se neposredno primjenjuju ukoliko se iste odnose na predmet ovog ugovora te ukoliko ovim ugovorom nije drugačije određeno.

Predmet ugovora preciziran je priložima ugovora.

CIJENA I NAČIN PLAĆANJA

Član 3.

Ugovorne strane su saglasne da je ukupna cijena usluge iz člana 1. ovog Ugovora definisana prihvaćenom ponudom Izvršioca usluge i iznosi

400,06 KM sa PDV-om
(slovima: četiristotine i 06/100 KM)
(**341,93 KM** bez PDV-a)

Ugovorne strane su saglasne da je utvrđena cijena za usluge fiksna i nepromjenljiva.

Utvrđena cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove potrebne za izvršenje usluge.

Član 4.

Ugovorne strane su saglasne da će se plaćanje po ovom ugovoru vršiti na osnovu faktura dostavljenih od strane Izvršioca.

Fakturu je Izvršilac dužan napraviti na osnovu ovjerene privremene situacije i okončane situacije Izvođača radova, i to na način da Izvršilac ispostavlja fakturu u visini od **1,0324%** od iznosa ovjerene privremene ili okončane situacije Izvođača radova, s tim da se iznos okončane situacije umanjuje za iznose prethodno isplaćenih privremenih situacija.

Cijena za usluge Nadzora ne može preći iznos naveden u članu 3. ovog ugovora.

Ugovorne strane su saglasne da će se plaćanje izvršiti u roku od 60 dana od dana dostave fakture.

Plaćanje se vrši na račun izvršioca naveden u ponudi.

ROK IZVRŠENJA USLUGE

Član 5.

Rok za izvršenje usluge koja je predmet ovog ugovora je do **05.02.2021. godine**, a počinje teći od dana potpisivanja ugovora.

Izvršilac počinje sa vršenjem usluga koja je predmet ovog ugovora od dana stupanja na snagu ovog ugovora.

Izvršilac ima pravo da zahtijeva produženje roka za izvršenje ugovornih obaveza u slučajevima kada je to opravdano, odnosno u slučaju nastupanja izvanrednih okolnosti koje onemogućavaju izvršenje po predviđenoj dinamici.

Opravdanim razlozima za produženje roka za izvršenje se smatraju slučajevi koji se ne mogu dovesti u vezu sa odgovornošću Izvršioca, i to viša sila (prirodne nepogode, poplave, zemljotresi, i sl.), geološki i/ili hidro-klimatski uslovi, mjere predviđene aktima nadležnih organa, nastanak uvjeta koji nisu predviđeni tehničkom dokumentacijom, i slično. U slučaju eventualnog nastanka osnova za podnošenje zahtjeva za produženje roka za izvršenje, Izvršilac je dužan podnijeti prema Naručiocu zahtjev po hitnom postupku u odnosu na momenat nastupanja nepredviđene okolnosti.

Naručilac ima pravo da raskine ugovor ako Izvršilac propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorne obaveze u roku koji bi za Naručioca bio prihvatljiv.

OBAVEZE IZVRŠIOCA USLUGE

Član 6.

Izvršilac usluge se obavezuje:

- izvršiti sve ugovorene obaveze u potpunosti a kako je to predviđeno projektnim zadatkom i ostalim priložima koji čine sastavni dio ugovora
- ugovorenu uslugu obaviti u skladu sa važećim propisima i pravilima za tu vrstu usluge, kao i zahtjevima naručioca navedenim u projektnom zadatku i pozivu za ponudu
- garantovati kvalitetno izvršenje ugovorne usluge,
- **obezbijediti svakodnevno prisustvo nadzornog inženjera na gradilištu**
- za izvršenje usluga iz ovog ugovora angažovati lica koja je naveo u IZJAVI O RASPOLAGANJU OSOBLJEM (ANEKS IX), koja je sastavni dio ponude Izvršioca u postupku javne nabavke broj: 04-11-50263/20
- održavati kontinuitet i dinamiku izvršenja svojih obaveza i u ugovorenom roku izvršiti uslugu iz predmeta ovog ugovora
- u svemu postupati prema nalogima Naručioca, ujedno poštujući odredbe pozitivno-pravnih propisa i odredbe ovog ugovora.

U slučaju neispunjenja ugovornih obaveza i povrede dinamike rada Izvršilac odgovara za svu učinjenu nastalu štetu zbog profesionalnog propusta.

Član 7.

Nadzorni organ imenuje nadzorne inženjere za konkretni projekat koji **moraju ispunjavati uvjete iz člana 110. Zakona o prostornom uređenju Kantona Sarajevo** („Službene novine Kantona Sarajevo“ broj 24/17 i 1/18).

Poslove stručnog nadzora nad građenjem ne može obavljati pravno lice koje je izradilo ili učestvovalo u izradi projektne dokumentacije i pravno lice koje izvodi radove na građevini koja se gradi. Nadzorni inženjer je lice ovlašteno za provedbu nadzora nad građenjem, koji se provodi u ime investitora. Ovisno o složenosti građevine pravno lice koje obavlja nadzor nad građenjem u ime investitora, može formirati nadzorni tim i imenovati koordinatora. Koordinator se imenuje iz reda nadzornih inženjera i odgovoran je za usklađivanje rada nadzornog tima.

Član 8.

U provođenju nadzora nadzorni inženjer je dužan:

- a) utvrditi usklađenost iskolčenja građevine sa zapisnikom o iskolčenju građevine i projektom;
- b) provjeriti i utvrditi gradi li se u skladu sa odobrenjem za građenje, tehničkom dokumentacijom i Zakonom o prostornom uređenju Kantona Sarajevo („Službene novine Kantona Sarajevo“, broj 24/17 i 1/18);
- c) provjeriti i utvrditi da je kvalitet radova, ugrađenih proizvoda i opreme u skladu sa zahtjevima projekta, uvjetima propisanim Zakonom, posebnim zakonima i propisima, važećim tehničkim propisima i standardima, te da je taj kvalitet dokazan propisanim ispitivanjima i dokumentima;
- d) biti prisutan u svim fazama testiranja kvaliteta ugrađenog materijala kao i u svim fazama testiranja nosivog sklopa građevine;

e) potvrditi urednost izvođenja radova potpisivanjem građevinskog dnevnika, u isti unositi izmjene urađene u odnosu na projektnu dokumentaciju, kontrolisati građevinsku knjigu te, po potrebi, vršiti usaglašavanje sa projektantom i izvođačem radova za sve eventualne promijenjene okolnosti u tehničkoj dokumentaciji i na gradilištu. Nadzorni inženjer je odgovoran za provedbu svih potrebnih mjera;

f) napisati izvještaj investitoru o obavljenom nadzoru nad građenjem građevine i to periodične izvještaje (uz ispostavljene privremene situacije) i završni izvještaj;

g) po potrebi uraditi analizu cijene i ocjenu neophodnosti za određene pozicije za ugovornog organa.

Prihvatanje od strane Naručioca bilo kojeg izvještaja, projekta ili bilo kojeg drugog dokumenta ili preporuke koju dobije od Izvršioca, ne oslobađa Izvršioca njegove odgovornosti i obaveza koji proizilaze iz pozitivnih pravnih propisa, ovog ugovora, ili zaključenog okvirnog sporazuma.

Nadzorni inženjer dužan je pravovremeno obavijestiti investitora o svim uočenim nedostacima i nepravilnostima prilikom vršenja stručnog nadzora u skladu sa Zakonom o prostornom uređenju Kantona Sarajevo.

Nadzorni inženjer dužan je pravovremeno obavijestiti urbanističko-građevinskog inspektora o svim nedostacima i nepravilnostima koje je uočio tokom građenja, a koje investitor ili izvođač radova odbiju otkloniti na osnovu njegovog upozorenja.

KAZNA ZA KRŠENJE ROKA IZVRŠENJA

Član 9.

Izvršilac se obavezuje da održava kontinuitet i dinamiku izvršenja svojih obaveza, kako bi se posao završio u roku određenim ovim ugovorom.

Za svaki dan zakašnjenja u izvršavanju ugovorenih obaveza, Izvršilac će platiti Naručiocu ugovornu kaznu (penale) u iznosu 0,05% od ukupne vrijednosti ugovorenih usluga.

Maksimalni iznos ugovorne kazne je 5% od ukupne vrijednosti ugovorenih usluga.

Ukoliko Naručilac po osnovu zakašnjenja u izvršavanju ugovorenih obaveza pretrpi veću štetu od iznosa predviđenog ovim članom ugovora, ima pravo zahtijevati razliku do potpune naknade štete.

U slučaju kada Naručilac ocijeni opravdanim produženje roka za izvršenje predmetne usluge ili kada potreba produženja roka nastane bez krivice i odgovornosti Izvođača radova, pomenuta kazna se ne zaračunava.

OBAVEZE NARUČIOCA

Član 10.

Naručilac se obavezuje:

- pravovremeno uputiti prigovore na eventualne propuste tokom obavljanja posla, u slučaju da Izvršioc ne obavlja posao u skladu sa ovim ugovorom i ponudom Izvođača radova,

- uredno izvršiti plaćanje ugovorenih poslova, isplatiti naknade za izvršene i prihvaćene poslove prema odredbama ovog ugovora,
- pravovremeno izvršavati svoje obaveze po ugovoru.

USTUPANJE USLUGA DRUGOM IZVRŠIOCU USLUGE

Član 11.

Izvršilac nije ovlašten vršiti podugovaranje u smislu Zakona o javnim nabavkama.

Izvršilac za izvršenje ugovorenih usluga može angažovati fizička lica koja nisu navedena u IZJAVI O RASPOLAGANJU OSOBLJEM (ANEKS IX) samo uz izričitu saglasnosti Naručioca.

O namjeri i razlozima angažovanja takvih fizičkih lica, Izvršilac mora blagovremeno obavijestiti Naručioca, te Naručiocu dostaviti dokaze da lica koja namjerava angažovati ispunjavaju sve uvjete zahtijevane tenderskom dokumentacijom u postupku javne nabavke broj: 04-11-50263/20.

Naručilac u svakom slučaju zadržava diskreciono pravo da uskrati saglasnost iz stava (2) ovog člana ugovora.

GARANCIJA

Član 12.

Izvršilac usluge garantuje da je usluga iz predmeta ovog ugovora urađena u skladu sa važećim propisima, standardima, tehničkim normativima i pravilima struke i da odgovara za sve eventualne propuste nastale kao posljedica neadekvatnog izvršenja usluge.

VIŠA SILA

Član 13.

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu odmah, a najkasnije u roku od 3 (tri) dana od nastanka više sile.

KORIŠTENJE UGOVORNIH DOKUMENATA I INFORMACIJA - POSLOVNA TAJNA

Član 14.

Izvršiocu nije dozvoljeno, bez izričitog pristanka Naručioca, objaviti ugovor u cijelosti ili dijelovima te objaviti informacije primljene od Naručioca. Navedeno se ne odnosi na informisanje ili pristup dokumentaciji vlastitog osoblja, ali sve samo u mjeri u kojoj je to potrebno za uredno izvršavanje ovog ugovora, te u drugim slučajevima propisanim pozitivnim zakonskim propisima.

Dokumente i podatke prema ovom ugovoru, Izvođač radova i osobe navedene u ovom članu trebaju čuvati kao poslovnu tajnu tokom izvršavanja ugovora i u daljnjem roku od dvije godine po izvršenju ugovornih obaveza te su odgovorni za povredu navedene obaveze.

RJEŠAVANJE SPOROVA I MJERODAVNO PRAVO

Član 15.

Naručilac ima pravo da jednostrano raskine ovaj ugovor, ukoliko Izvršilac ne ispunjava svoju obavezu u svemu prema ovom ugovoru. U tom slučaju Naručilac neće platiti Izvršiocu onaj dio usluge koji nije izvršen u skladu sa ovim ugovorom.

Ugovorne strane će nastojati svaki spor iz ugovora ili u vezi s izvršenjem istog riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, konačno će se riješiti pred nadležnim sudom u Sarajevu.

Prava i obaveze ugovornih strana regulisana su pozitivnim zakonskim propisima u Bosni i Hercegovini.

POSEBNE ODREDBE

Član 16.

Ugovorne strane mogu sporazumno raskinuti ovaj ugovor i prije njegovog izvršenja ukoliko, neovisno od ugovornih strana, nastupe okolnosti, koje bitno utječu na predmet izvršenja ugovora.

U tom slučaju ugovor se raskida ili se prema potrebi zaključuje novi ugovor.

Ugovorne strane su saglasne da Izvođač radova neće zapošljavati fizičke i pravne osobe koje su sudjelovale u pripremi tenderske dokumentacije ili su bile član Komisije za javne nabavke Naručioca ili su u svojstvu stručnog lica bile angažovane od strane Komisije za javne nabavke, i to najmanje šest mjeseci po zaključenju ovog ugovora, odnosno početka realizacije ugovora.

Prava i obaveze ugovornih strana regulisana su pozitivnim zakonskim propisima Bosne i Hercegovine.

ZAVRŠNE ODREDBE

Član 17.

Ovaj ugovor stupa na snagu danom obostranog potpisivanja od strane ovlaštenih predstavnika ugovornih strana.


Sastavni dio ovog ugovora su njegovi prilozi, i to:

- *PROJEKTI ZADATAK za vršenje stručnog nadzora na izvođenju radova izgradnje, rekonstrukcije, rehabilitacije i održavanja javnih cesta i cestovne opreme na području Kantona Sarajevo*
- *IZJAVA O RASPOLAGANJU OSOBLJEM kvalificiranim stručnjacima za realizaciju predmetne vrste poslove, ANEKS IX (iz ponude Izvršioca)*
- *UGOVOR IV za redovno održavanje pumpi i agregata za sisteme odvodnje podvožnjaka Otes, Buća Potok, Osijek i Stup, broj: 04-14-36686-U4/18 od 05.02.2021. godine*

Član 18.

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka.

IZVRŠILAC:


doc. dr. Nebojša Knežević
Direktor

**Institut za građevinarstvo „IG“ d.o.o.
Banja Luka**

Broj: 117-I/21
Datum: 30.03.2021. godine


NARUČILAC:


Selmir Kovač, dipl. ing. saob.
Direktor

Direkcija za puteve Kantona Sarajevo

Broj: 04-11-50263-U2/20
Datum: 22.03.2021. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja
Direkcija za puteve



Bosnia and Herzegovina
Federation of Bosnia and Herzegovina
CANTON SARAJEVO
Ministry of traffic
Road Directorate

PROJEKTNI ZADATAK

za vršenja stručnog nadzora na izvođenju radova izgradnje, rekonstrukcije, rehabilitacije i održavanja javnih cesta i cestovne opreme na području Kantona Sarajevo



web: <http://dp.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1





1. OPĆI PODACI

- 1.1. Investitor: Ministarstvo saobraćaja Kantona Sarajevo – Direkcija za puteve
- 1.2. Naziv usluga: Vršenje stručnog nadzora na izvođenju radova izgradnje, rekonstrukcije, rehabilitacije i održavanja javnih cesta i cestovne opreme
- 1.3. Lokacija: Kanton Sarajevo
- 1.4. Predmet usluga: Stručni nadzor


2. UVOD

Investitor, kao lice u čije ime i za čiji račun se gradi građevina i vrše drugi zahvati u prostoru, je dužan da osigura stručni nadzor nad izvođenjem radova.

Stručni nadzor nad građenjem u ime investitora, može obavljati pravno lice registrovano za poslove projektovanja i/ili građenja. Pravno lice vrši stručni nadzor pod uvjetom da za svaku vrstu radova na objektu, za koje obavlja nadzor (građevinsko-zanatski, konstruktivni, elektro, mašinski, itd.) ima u radnom odnosu zaposlenog najmanje jednog diplomiranog inženjera sa najmanje pet godina radnog iskustva i položenim stručnim ispitom. Pravno lice koje nema zaposlene diplomirane inženjere za sve vrste radova za koje obavlja nadzor, mora obezbijediti angažovanje diplomiranih inženjera sa najmanje pet godina radnog iskustva u struci i položenim stručnim ispitom za svaku vrstu radova za koju se obavlja nadzor po osnovu ugovora sa drugim pravnim ili fizičkim licima. Pravno lice imenuje nadzorne inženjere za konkretni projekat koji moraju ispunjavati uvjete iz člana 110. Zakona o prostornom uređenju Kantona Sarajevo (*Službene novine Kantona Sarajevo broj 24/17*). Poslove stručnog nadzora nad građenjem ne može obavljati pravno lice koje je izradilo ili učestvovalo u izradi projektne dokumentacije i pravno lice koje izvodi radove na građevini koja se gradi. Nadzorni inženjer je lice ovlašteno za provedbu nadzora nad građenjem, koji se provodi u ime investitora. Ovisno o složenosti građevine pravno lice koje obavlja nadzor nad građenjem u ime investitora, može formirati nadzorni tim i imenovati koordinatora. Koordinator se imenuje iz reda nadzornih inženjera i odgovoran je za usklađivanje rada nadzornog tima.

Radovi nadzora će se obavljati na projektima izgradnje, rekonstrukcije i rehabilitacije puteva na području Kantona Sarajevo koji su predviđeni Programom rada i čiji je investitor Direkcija za puteve Kantona Sarajevo. Radovi nadzora će se također obavljati na poslovima redovnog i vanrednog održavanja puteva, objekata i opreme (brojači, liftovi, pokretne trake, pumpe itd.).





3. OBAVEZA NADZORA

Nadzor mora da imenuje odgovornog nadzornog inženjera za svako gradilište na kojem se vrši nadzor nad radovima.

Investitor će po sklapanju ugovora za izvođenje radova sa Izvođačem, uputiti zahtjev za imenovanje nadzornog inženjera. Nadzor će pismenim putem dostaviti Investitoru rješenje o imenovanju nadzornog inženjera.

U provođenju nadzora nadzorni inženjer dužan je:

- a) utvrditi usklađenost iskolčenja građevine sa zapisnikom o iskolčenju građevine i projektom;
- b) provjeriti i utvrditi gradi li se u skladu sa odobrenjem za građenje, tehničkom dokumentacijom i Zakonom o prostornom uređenju Kantona Sarajevo (*Službene novine Kantona Sarajevo broj 24/17*);
- c) provjeriti i utvrditi da je kvalitet radova, ugrađenih proizvoda i opreme u skladu sa zahtjevima projekta, uvjetima propisanim Zakonom, posebnim zakonima i propisima, važećim tehničkim propisima i standardima te da je taj kvalitet dokazan propisanim ispitivanjima i dokumentima;
- d) biti prisutan u svim fazama testiranja kvaliteta ugrađenog materijala kao i u svim fazama testiranja nosivog sklopa građevine;
- e) potvrditi urednost izvođenja radova potpisivanjem građevinskog dnevnika, u isti unositi izmjene urađene u odnosu na projektnu dokumentaciju, kontrolisati građevinsku knjigu te, po potrebi, vršiti usaglašavanje sa projektantom i izvođačem radova za sve eventualne promijenjene okolnosti u tehničkoj dokumentaciji i na gradilištu;
- f) napisati izvještaj investitoru o obavljenom nadzoru nad građenjem građevine.

Nadzorni inženjer dužan je pravovremeno obavjestiti investitora o svim uočenim nedostacima i nepravilnostima prilikom vršenja stručnog nadzora u skladu sa Zakonom o prostornom uređenju Kantona Sarajevo (*Službene novine Kantona Sarajevo broj 24/17*).

Nadzorni inženjer dužan je pravovremeno obavijestiti urbanističko-građevinskog inspektora o svim nedostacima i nepravilnostima koje je uočio tokom građenja, a koje investitor ili izvođač radova ne otkloni na osnovu njegovog upozorenja.

Pored navedenog, nadzor na poslovima održavanja je dužan da na osnovu, sa izvođačem dogovorenog kratkoročnog programa predviđenih radova u sljedećem razdoblju (mjesec), pripremi svoj program terenskog nadzora. Za vrijeme terenskog nadzora:

- saraduje sa predstavnicima izvođača, usklađuje rad, te daje uputstva i zahtjeve,
- pregledava i nadzire radove u izvođenju i već izvedene radove, u odnosu na kvalitet i količinu,
- napravi potrebna mjerenja količina izvedenih radova za radove za koje je to i predviđeno,
- dopunjuje svoje zapise o izvođenju radova, izvedenim količinama, kvalitetu i stanju na putu,




web: <http://dp.ks.gov.ba>

e-mail: dp@dp.ks.gov.ba;

Tel: + 387 (0) 33 560-402, Fax: + 387 (0) 33 560-426

Sarajevo, Hamida Dizdara br. 1





- pregledava, koriguje, dopunjuje i potvrđuje kontrolorske dnevnike, dnevnike održavanja i građevinsku knjigu,
- provjerava mjerenja sa podacima iz Banke putnih podataka.

Zadaci nadzornog inženjera na održavanju su i:

1. saradnja pri pripremi programa radova redovnog održavanja i ostalih radova (krpljenje, odvodnjavanje, sanacija spojnica i središnjeg kontakta, popravci zidova, cestovno-željeznička ukrštanja i sl),
2. priprema popisa stanja puteva za određivanje prioriteta pri raznim intervencijama,
3. priprema popisa potrebnih radova, raspisa, predaje radova, priprema ugovora,
4. saradnja pri pripremi izvedbenih programa zimske službe,
5. saradnja pri izvodjenju dežurne službe za obavješćavanje o stanju i prohodnosti cesta na sjedištu Direkcije,
6. saradnja pri uređivanju plaćanja odšteta i sličnih problema,
7. saradnja pri tehničkom pregledu puteva posle većih radova ili novogradnje,
8. kontrola nad radovima, koji se izvode na osnovu izdatih saglasnosti u putnom i zaštitnom pojasu saobraćajnica u smislu izpunjavanja uslova izdatih saglasnosti i dozvola Direkcije,
9. pregled nad nedozvoljenim zahvatima u zaštitnom pojasu ceste i cestovnom pojasu,
10. saradnja pri tehničkim pregledima obavljenih radova u zaštitnom pojasu i cestovnom pojasu,
11. organiziranje izvršenja odluka inspektora, saradnja pri inspekcijskim pregledima,
12. nadzor nad izvođenjem radova prema saglasnostima, koje izdaje Direkcija,
13. urgentno organiziranje radova pri otklanjanju posljedica vanrednih događaja,
14. nadzor nad otklanjanjem posljedica vanrednih događaja i priprema izvještaja o otklanjanju posljedica,
15. priprema odgovora na radne zadatke, koji su posredovani od strane naručioca,
16. saradnja sa ovlaštenim institucijama i
17. drugi radovi prema narudžbi Direkcije.

Nadzor nad izvođenjem građevinskih radova je odgovoran za direktnu štetu koju je prouzrokovala treća strana, a koja proizilazi iz njegovog rada i njegovih ugovornih obaveza. Prije otpočinjanja vršenja aktivnosti Nadzor mora osigurati svoju odgovornost, za period trajanja svoga rada, od bilo kakvog oštećenja koje mogu prouzrokovati investitor i treća strana, a u vezi sa vršenjem svojih aktivnosti. **Nadzorni inženjer je obavezan da na dnevnoj osnovi prisustvuje gradilištu.**

4. ZAKONSKA REGULATIVA

- Zakon o cestama F BiH (Službene novine F BiH broj 12/10, 16/10 i 66/13);



web: <http://dp.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1





- Zakon o osnovama sigurnosti saobraćaja na putevima u BiH (Sl. Glasnik BiH br:6/06, 75/06, 44/07, 84/09, 48/10, 18/13, 8/17, 89/17 i 9/18);
- Zakon o prostornom uređenju Kantona Sarajevo (Službene novine Kantona Sarajevo broj 24/17);
- Pravilnik o osnovnim uvjetima koje javne ceste, njihovi elementi i objekti na njima moraju ispunjavati sa aspekta sigurnosti saobraćaja (Službeni glasnik BiH“, br.13/07);
- Pravilnik o održavanju javnih cesta (Službene novine F BiH broj 57/15);
- Pravilnik o vrsti i sadržaju projekata za građenje i rekonstrukciju javnih cesta (Službene novine F BiH broj 69/10);
- Uredba o uređenju gradilišta, obaveznoj dokumentaciji na gradilištu i učesnicima u građenju (Službene novine F BiH broj 48/09);
- Smjernice za projektovanje, građenje, održavanje i nadzor na putevima, Sarajevo/Banja Luka iz 2005.;
- Standardi i ostali propisi koji regulišu ovu oblast.

5. VRIJEDNOST

Ukupna procijenjena investiciona vrijednost radova izgradnje, rekonstrukcije, rehabilitacije i održavanja saobraćajnica na području Kantona Sarajevo je 25.000.000 KM bez PDV-a. Pojedinačna vrijednost ugovora radova izgradnje, rekonstrukcije i rehabilitacije saobraćajnica varira od projekta do projekta i kreće se u rasponu od 100.000,00 KM - 1.000.000,00 KM.

Ponuđači za vršenje poslova nadzora daju procenat od vrijednosti radova u KM bez PDV-a (obrazac specifikacije u prilogu).



DIREKTOR
Selma Mevac
Selma Mevac, dipl.ing.saob.



web: <http://dp.ks.gov.ba>

e-mail: dp@dp.ks.gov.ba;

Tel: + 387 (0) 33 560-402, Fax: + 387 (0) 33 560-426

Sarajevo, Hamida Dizdara br. 1



IZJAVA O RASPOLAGANJU OSOBLJEM
kvalificiranim stručnjacima/radnicima za realizaciju predmetne vrste poslova

Ja, niže potpisani DR NEBOJŠA KNEŽEVIĆ (Ime i prezime), sa ličnom kartom broj: 44040A2F3 izdatom od HUP RS, u svojstvu predstavnika privrednog društva ili obrta ili srodne djelatnosti DIREKTOR INSTITUT ZA GRAĐEVINARSTVO IGE BAHIALUKA (Navedi položaj, naziv privrednog društva ili obrta ili srodne djelatnosti), ID broj: 440091510005, čije sjedište se nalazi u BAHIALUCI (Grad/opština), na adresi KRALJA PETRA I KARADORĐEVIĆA 92-98 (Ulica i broj), kao kandidat/Ponuđač u postupku javne nabavke STROVNI NADZOR NA IZVOĐENJU RADOVA IZGRADNJE, REKONSTRUKCIJE, REHABILITACIJE I ODRŽAVANJA PUTEVA PODRUČJU KANTONA SARAJEVO ZA PERIOD 2022-2023. GODINE (Navedi tačan naziv i vrstu postupka javne nabavke) a kojeg provodi ugovorni organ Direkcija za puteve Kantona Sarajevo za koje je objavljeno obavještenje o javnoj nabavci (ako je objavljeno obavještenje) broj: 201-22-40-382/20 u „Službenom glasniku BiH) broj: 1121, pod punom materijalnom i krivičnom odgovornošću

IZJAVLJUJEM

Ponuđač INSTITUT ZA GRAĐEVINARSTVO IGE BAHIALUKA u navedenom postupku javne nabavke, kojeg predstavljam, ispunjava uslove tražene tenderskom dokumentacijom.

Ponuđač izjavljuje da može ponuditi kvalificirane stručnjake/radnike/osoblje za realizaciju predmetne vrste poslova definisanih tenderskom dokumentacijom i to:

- 4 (četiri) dipl. ing. građevine, smjer saobraćajni (ili opći), sa pet godina radnog iskustva i položenim stručnim ispitom;
- 1 (jednog) dipl.ing građevine, smjer konstruktivni, sa pet godina radnog iskustva i položenim stručnim ispitom;
- 1 (jednog) dipl.ing građevine, smjer hidrotehnički, sa pet godina radnog iskustva i položenim stručnim ispitom;
- 1 (jednog) dipl.ing. saobraćaja, smjer drumski, sa pet godina radnog iskustva i položenim stručnim ispitom;
- 1 (jednog) dipl. ing. geodezije, sa pet godina radnog iskustva i položenim stručnim ispitom;
- 1 (jednog) dipl.ing. mašinstva sa pet godina radnog iskustva i položenim stručnim ispitom;
- 1 (jednog) dipl. ing. elektrotehnike sa pet godina radnog iskustva i položenim stručnim ispitom;
- 1 (jednog) dipl.ing. geologije sa pet godina radnog iskustva i položenim stručnim ispitom.

IME I PREZIME RADNIKA	Stručna sprema, zvanje i naziv ustanove kod koje je istu stekao	Radno iskustvo	Imenuje se za:
<u>DRAGAN ŽIVANJAC</u>	<u>VSS, DIPL. INŽ. GRAD., UNIVERZITET U BAHIALUCI</u>	<u>16 GODINA</u>	<u>ODGOVORNI NADZORNI INŽINJER</u>
<u>MILAZENKO TRIVUNOVIĆ</u>	<u>VSS, DIPL. INŽ. GRAD., UNIVERZITET U BEOGRADU</u>	<u>15 GODINA</u>	<u>NADZORNI INŽINJER SAOBRAĆAJNI SMJER</u>

DUJICA LEMEZ	V.S.S., DIPL. INŽ. GRAD. UNIVERZITET U BAHUJLUKI	6 GODINA	NADZORNI INŽINJER JABOBRACAJNI STUJER
MIRJANA MARČETIĆ-LEPIR	V.S.S., DIPL. INŽ. GRAD. UNIVERZITET U BAHUJLUKI	8 GODINA	NADZORNI INŽINJER OPŠTI STUJER
BOJAN LEMEZ	V.S.S., DIPL. INŽ. GRAD. UNIVERZITET U BAHUJLUKI	6 GODINA	NADZORNI INŽINJER KONSTRUKTIVNI STUJER
NEVENKO SAMOJKOVIĆ	V.S.S., DIPL. INŽ. GRAD. UNIVERZITET U JARAJEVU	70 GODINA	NADZORNI INŽINJER HIDROTEHNIČKI STUJER
MILAN TEŠAHOVIĆ	V.S.S., DIPL. INŽ. SAOB. UNIVERZITET U BEOGRADU	73 GODINA	NADZORNI INŽINJER JABOBRACAJ
HEMANTA HERBÉZ	V.S.S., DIPL. INŽ. GEOD. UNIVERZITET CRNE GORE	77 GODINA	NADZORNI INŽINJER GEODÉZINA
SVJETLANA ČEŠIĆ	V.S.S., DIPL. INŽ. MAŠ. UNIVERZITET U BAHUJLUKI	6 GODINA	NADZORNI INŽINJER MAŠINSTVO
BOJKO MIJATOVIĆ	V.S.S., DIPL. INŽ. EL. UNIVERZITET U BAHUJLUKI	74 GODINA	NADZORNI INŽINJER ELEKTROTEHNIKA
ZORAN RADOVIĆ	V.S.S., DIPL. INŽ. GEOL. UNIVERZITET U BEOGRADU	6 GODINA	NADZORNI INŽINJER GEOLOGIJA

Upoznat sa obavezom kandidata/ponuđača da dostavi dokumente/dokaze o ispunjavanju uslova (u originalu ili ovjerenj kopiji) u samoj ponudi kao i da u slučaju odabira dostavi dokaze na zahtjev ugovornog organa i u roku kojeg odredi ugovorni organ (za dokaze koje ponuđač nije dužan dostaviti odmah u svojoj ponudi).

Izjavljujem da sam svjestan da falsifikovanje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja krivično djelo predviđeno Krivičnim zakonima u BiH, te da davanje netačnih podataka u dokumentima kojima se dokazuje lična, finansijska i tehnička sposobnost predstavlja prekršaj za odgovorno lice ponuđača.

Takođe izjavljujem da sam svjestan da ugovorni organ koji provodi navedeni postupak javne nabavke u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Dokumenti koje dostavlja ili čije kopije dostavlja kandidat/ponuđač INSTITUT ZA GRAĐEVINARSTVO I GEOTEHNIKA BAHUJLUKA u navedenom postupku javne nabavke, a kojima se dokazuje lična, finansijska i tehnička sposobnost ponuđača su identični sa originalima.

Uz izjavu u prilogu dostavljam dokaze (ovjerenj) o navedenom za imenovane radnike:

- diplome o završenom školovanju i stečenom zvanju,
- dokaze o položenom stručnom ispitu,
- dokaze o radnom stažu/iskustvu


Izjavu dao:

Mjesto i datum davanja
izjave:

Potpis i pečat kandidata:

DR NEBOJŠA KHEŽEVIĆ

BAHUJLUKA, 28. 01. 2021.



127

Na osnovu Okvirnog sporazuma za izvođenje radova održavanja pumpi i agregata za sisteme odvodnje podvožnjaka Otes, Buća potok, Osijek i Stup broj: 04-14-36698-OS/18 od 05.02.2019.godine i na osnovu člana 32. Zakona o javnim nabavkama u BiH („Službeni glasnik BiH“ br. 39/14) između sporazumnih strana zaključuje se

UGOVOR IV

ZA REDOVNO ODRŽAVANJE PUMPI I AGREGATA ZA SISTEME ODVODNJE PODVOŽNJAKA OTES, BUĆA POTOK, OSIJEK I STUP

UGOVORNE STRANE:

DIREKCIJA ZA PUTEVE KANTONA SARAJEVO, Ministarstvo saobraćaja, ulica Hamida Dizdara broj 1 Sarajevo, koju zastupa direktor Selmir Kovač dipl.ing.saob (u daljem tekstu:Naručilac)

i

ELECTRA d.o.o. Sarajevo i FININIG d.o.o. Sarajevo (Grupa ponuđača), koje zastupa nosilac konzorcija direktor Electra d.o.o. Sarajevo, Hamdija Torlak, dipl.ing.el. (u daljem tekstu: izvođač)

PREDMET UGOVORA

Član 1.

Predmet ovog ugovora je *redovno održavanje pumpi i agregata za sisteme odvodnje podvožnjaka Otes, Buća potok, Osijek i Stup* u sklopu Okvirnog sporazuma broj: 04-14-36698-OS/18 od dana 05.02.2019. godine u svemu prema postupku javne nabavke provedenog putem otvorenog postupka, koji je proveden na osnovu donesene Odluke o javnoj nabavci (Broj: 04-14-36686/18 od dana 16.11.2018. godine), dostavljene ponude Izvođača (04-14-442 od 09.01.2019. godine) i Odluke o izboru najpovoljnijeg ponuđača i dodjeli ugovora (Broj: 04-14--36686/18 od dana 16.01.2019. godine), koje čine sastavni dio Ugovora.

Član 2.

Predmet ugovora definisan je zahtjevom Naručioca, predmjerom radova/specifikacijom i tenderskom dokumentacijom.

CIJENA I NAČIN PLAĆANJA

Član 3.

Ugovorne strane su saglasne da je ukupna cijena radova iz člana 1. ovog Ugovora definisana prihvaćenom ponudom Izvođača i iznosi

38.750,40 KM sa PDV-om

(slovima: tridesetosamhiljadasedamstotinapedeset KM i 40/100)

33.120,00 KM bez PDV-a

Ugovorene strane su saglasne da je utvrđena cijena za radove, iz člana 1. ovog ugovora fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove potrebne za izvršenje radova.

Cjenovnik radova utvrđuje se na temelju jediničnih cijena iz ponude Izvođača, po vrstama radova.

Prilog Ugovoru čini Predmjer i predračun radova iz ponude.

Član 4.

Ugovorne strane su saglasne da će se plaćanje po ovom ugovoru izvršiti u skladu sa odredbama tenderske dokumentacije i potpisanog ugovora, u roku od 60 dana od dana prijema računa i ovjere situacije od strane nadležnog nadzornog organa.

Plaćanje se vrši na račun ponuđača naveden u ponudi.

NAČIN OBRAČUNA

Član 5.

Za izvedene radove Izvođač ispostavlja obračunske/privremene i okončane situacije po završetku radova.

Član 6.

Situacije se sastavljaju na osnovu stanja izvedenih radova krajem obračunskog perioda, a ispostavljaju se najkasnije 10 dana po isteku perioda za koji se vrši obračun izvedenih radova. Datum ispostavljanja situacija obavezno se upisuje na situaciji.

Situacije se dostavljaju Nadzornom organu koji iste nakon ovjere prosljeđuje Naručiocu.

Član 7.

Ovjeru ispostavljenih situacija vrši nadzorni organ Ugovornog organa .

Datum podnošenja na ovjeru situacije nadzornom organu upisuje se u građevinski dnevnik. Nadzorni organ je dužan da u situaciju upiše datum ovjere.

ROK ZA IZVODENJE RADOVA

Član 8.

Izvođač se obavezuje da će radove koji su predmet ovog ugovora izvršiti u skladu sa ugovorenim obimom radova i utvrđenom dinamikom od dana uvođenja u posao.

Izvođač ima pravo da zahtjeva produženje roka za izvođenje radove u slučajevima kada je to opravdano, u slučaju nastupanja izvanrednih okolnosti koje onemogućavaju izvršenje radova po predviđenoj dinamici.

Opravedanim razlozima za produženje roka za izvođenje radova smatraju slučajevi koji se ne mogu u dovesti u vezu sa odgovornošću Izvođača (prirodne nepogode više sile (poplave, zemljotresi, sl), geološki, hidro-klimatski uslovi, mjere predviđene aktima nadležnih organa, nastanak uvjeta za izvođenje radova koji nisu predviđeni tehničkom dokumentacijom i sl). U slučaju eventualnog nastanka osnova za podnošenje zahtjeva za produženje roka

izvođenja radova Izvođač je dužan zahtjev podnijeti prema naručiocu po hitnom postupku u odnosu na momenat nastupanja nepredviđene okolnosti.

U slučaju prekida radova ili nastanka situacije ugrožavanja sigurnosti i prometa, Izvođač je dužan bez odlaganja preduzeti hitne mjere u cilju otklanjanja opasnosti i sprječavanje šteta, te o svemu obavijestiti naručioca. Navedeno se vrši na način da se osigura racionalni i efikasno obavljanje posla.

Izvođač je u cilju osiguranja od nastanka opasnosti dužan obezbjediti potrebnu propisnu signalizaciju.

Izvođača radova je dužan da nakon potpisivanja ovog ugovora, a prije uvođenja u posao, Naručiocu i Nadzornom organu dostavi prijedlog dinamike izvođenja radova na saglasnost, koja treba obezbjediti kontinuitet gradnje, na temelju preuzetih obaveza iz zaključenog ugovora.

Dinamika izvođenja radova treba biti usaglašena sa ugovorenim rokom, te se Izvođač obavezuje poštovati rokove iz dostavljene dinamike.

Ukoliko se Izvođač ne odazove pozivu Naručioca/Nadzornog organa za uvođenje u posao smatrat će se da je isti odustao od predmetnog ugovora.

GARANTNI ROK ZA RADOVE I KAZNA ZA KRŠENJE ROKA IZVRŠENJA

Član 9.

Garantni rok za izvedene radove je 3 (tri) godine računajući od dana okončanja svih radova.

Izvođač se obavezuje da održava kontinuitet i dinamiku izvršenja svojih obaveza, kako bi se posao završio u roku određenim ovim Ugovorom.

U slučaju zakašnjenja izvođenja radova u normalnim uslovima Naručilac će tolerisati Izvođaču prekoračenje roka od 2 (dva) dana od ugovorenog roka.

Za svaki dan zakašnjenja završetka radova preko 2 (dva) dana Izvođač će platiti Naručiocu kaznu u iznosu 0,1% ugovorene vrijednosti za svaki naredni dan zakašnjenja. Maksimalna kazna za kašnjenje radova je 5% od ukupno ugovorene vrijednosti radova.

U slučaju kada Ugovorni organ ocjeni opravdanim produženje roka za izvođenje predmetnih radova, ili kada potreba produženja roka nastane bez kvivice i odgovornosti izvođača, pomenuta kazna se ne zaračunava.

OBAVEZE IZVOĐAČA RADOVA

Član 10.

Izvođač se obavezuje:

- izvršiti sve ugovorene obaveze u potpunosti a kako je to predviđeno specifikacijom/predmjerom i ostalim priložima koji čine sastavni dio ugovora,
- ugovorene radove obaviti u skladu sa važećim propisima i pravilima za tu vrstu radova, kao i zahtjevima naručioca navedenim u specifikaciji i pozivu za ponudu,
- garantovati kvalitetno izvršenje ugovornih radova, i
- održavati kontinuitet i dinamiku izvršenja svojih obaveza i u ugovorenom roku izvršiti radove iz predmeta ovog ugovora.
- osigurati garanciju za uredno izvršenje posla u visini od 10% od vrijednosti ugovora u roku od deset dana od potpisivanja ugovora,
- u svemu postupati prema nalogima naručioca ujedno poštujući odredbe pozitivno pravnih propisa, ovog ugovora i Okvirnog sporazuma.

Izvođač mora biti dostupan u svakom trenu za slučaj hitne intervencije i hitne potrebe ugovornog organa, te na poziv naručioca hitno reagovati.

Član 11.

Ukoliko Izvođač radova ne izvodi radove u skladu sa zahtjevanim kvalitetom, odnosno važećim tehničkim propisima, standardima, smjernicama i usvojenoj dokumentaciji, ili radove izvršava na način kojim se ugrožava sigurnost prometa, Ugovorni organ ima pravo da obustavi daljnje izvođenje radova i da od Izvođača radova zahtjeva da u datom primjerenom roku koji definiše naručilac otkloni nedostatke koji su doveli do obustave radova.

Ukoliko Izvođač radova ni u naknadno utvrđenom roku ne izvršava ugovorne obaveze, Ugovorni organ može raskinuti ugovor i radove ustupiti drugom Izvođaču.

Izvođaču se neće platiti radovi koje bude izvodio nakon pismenog naloga Ugovornog organa kojim se nalaže obustava radova i Izvođač je odgovoran je za sve posljedice koje mogu proisteci iz osnova nepridržavanja obustave radova.

Izvođaču se neće platiti ni radovi koji nisu izvršeni prema nalogima, tehničkoj dokumentaciji, standardima, smjernicama i pravilima. Naručilac ima pravo da Izvođaču odbije dio naknade od iznosa fakture za nekvalitetno i nepotpuno izvedene radove, nakon što iste utvrdi nadzorni organ.

Sve štete nastale usljed neizvršenja posla, nekvalitetnog, neblagovremenog, neadekvatnog i nepotpunog izvođenja predmetnih radova, kao i štete prema naručiocu i trećim licima, za koje je odgovoran Izvođač radova, nadoknaditi će sam Izvođač.

Na osnovu pismenog izvještaja nadzornog organa o neizvršavanju ugovornih obaveza i nekvalitetnom izvođenju radova od strane izvođača, naručilac može raskinuti ovaj ugovor i tražiti naknadu prouzrokovane štete od izvođača .

Član 12.

Izvođač je dužan radove izvoditi u skladu sa usvojenom tehničkom dokumentacijom, pozitivnim zakonskim propisima, važećim tehničkim propisima, standardima i smjernicama i pravilima struke.

Izvođač je dužan izvoditi i radove čijim se izvršenjem otklanja neposredna opasnost po opću sigurnost i sigurnost prometa. Radovi koji neposredno utiču na sigurnost i prohodnost prometa ne mogu se prekidati dok se u potpunosti ne ukloni opasnost.

Istovremeno sa završetkom radova sa ceste se moraju ukloniti ostaci materijala, sredstava rada kao i drugi predmeti i sredstva korištena prilikom izvođenja radova.

U skladu sa važećim zakonskim odredbama Izvođač je dužan o svom trošku blagovremeno preduzimati potrebne mjere sigurnosti i zaštite na radu.

Mjere sigurnosti iz predhodnog stava imaju za cilj:

- zaštitu života, zdravlja i tjelesnog integriteta lica koja izvršavaju radove ili prolaze gradilištem, odnosno stanuju u neposrednoj blizini gradilišta.
- osiguranje javnog prometa u toku izvođenja radova i u vrijeme prekida radova, odnosno do potpunog završetka radova,
- sprečavanje mogućih šteta učesnicima u saobraćaju i oštećenja ili uništenja izvedenih radova, trupa ceste, saobraćajne signalizacije i opreme ceste.
- Sprečavanje oštećenja ili uništenja susjednih objekata, prometnica, instalacija, opreme, materijala i sredstava rada, poljoprivrednog zemljišta i nasada i sl. i
- Urednu predaju gradilišta po završetku radova.

GRADEVINSKA KNJIGA

Član 13.

Izvođač radova dužan je da vodi građevinsku knjigu. Građevinska knjiga se vodi u jednom primjerku.

Izvođač radova će voditi građevinski dnevnik u dva primjerka od kojih jedan predaje naručiocu posla, a drugi zadržava za sebe.

Poslije konačnog obračuna izvođač predaje naručiocu posla građevinsku knjigu.

Izvršeni radovi obračunavaju se i unose u građevinsku knjigu po završetku svake faze radova, a u slučaju kada radovi traju duže vrijeme, obračun stvarno izvedenih količina vrši se na kraju obračunskog perioda. Snimanje odnosno utvrđivanje podataka za građevinsku knjigu vrše zajednički predstavnik izvođača i nadzorni organ.

Građevinsku knjigu ovjerava nadzorni organ po izvršenju radova. Svi radovi u knjizi trebaju da budu praćeni adekvatnim skicama kojima se dokazuju količine i lokacije izvršenih radova. U prilogu građevinske knjige treba da bude fotodokumentacija u digitalnoj formi snimljena na CD ili DVD medij.

Pored ovako formiranog priloga građevinske knjige za određenu fazu radova, potrebno je i u sklopu listova građevinske knjige printati u koloru neke izvode iz fotodokumentacije sa pratećim objašnjenjima i podacima, koji su neophodni za razumijevanje dokaznice i definisanja lokacije radova. Na osnovu ovjerenih količina radova iz građevinske knjige vrši se ispostavljanje privremenih obračunskih situacija.

STRUČNO TEHNIČKI NADZOR, KVALITET I KONTROLA KVALITETE RADOVA I MATERIJALA

Član 14.

Troškove stručno-tehničkog nadzora snosi Ugovorni organ.

Stručno Tehnički nadzor u izvođenju radova vrši Ugovorni organ putem ovlaštenih nadzornih organa. Nadzorni organ svojim potpisom ovjerava kvantitet i kvalitet izvršenih radova te podudarnost ugovorene količine i cijene rada sa izvedenim i obračunatim radovima.

Nadzorni organ je dužan da kontroliše da li se radovi izvode u skladu sa usvojenim dinamičkim planom, propisima, standardima i smjernicama. Nadzorni organ putem upisa u građevinski dnevnik daje izvođaču potrebna tehnička uputstva i druge podatke (nacрте, detalje) potrebne za izvođenje radova.

Izvođač je dužan Nadzornom organu omogućiti uvid u obim i kvalitet izvršenih radova te ga pozvati da putem građevinskog dnevnika izvrši prijem istih.

ISPITIVANJE MATERIJALA

Član 15.

Izvođač radova dužan je da prije izvođenja radova osigura i dostavi na uvid dokaze o prethodnim ispitivanjima materijala-atest.

Ugovorne strane su dužne da uredno vode i čuvaju dokumentaciju o prethodnim i kontrolnim ispitivanjima materijala i radova. Nalazi kontrole izvedenih radova upisuju se u građevinski dnevnik.

PRIMPREDAJA IZVRŠENIH RADOVA

Član 16.

Nakon izvršenja radova i poslova koji predstavljaju tehničku ili funkcionalnu cjelinu vrši se primopredaja radova po količini i kvalitetu što se utvrđuje na osnovu pregleda

izvedenih radova i atesta o ispitivanju materijala i radova, obračunom u građevinskoj knjizi i konstatacijama u građevinskom dnevniku. Primopredaja se vrši po količini, kvalitetu, a na osnovu operativno-tehničke dokumentacije o izvršenju radova (građevinski dnevnik, građevinska knjiga, dinamički plan) i pregleda stanja izvršenih radova na terenu.

Sve promjene i odstupanja u odnosu na ugovoreni obim radova ili tehničku dokumentaciju prethodno odobrava naručilac na pismeni zahtjev Izvođača uz saglasnost Nadzornog organa. Za sve dodatne i navede radove kreirati će se poseban ugovor.

OBAVEZE NARUČIOCA

Član 17.

Naručilac se obavezuje :

- pravovremeno uputiti prigovore na eventualne propuste tokom obavljanja radova a koji nisu u skladu sa Ugovorom i ponudom Izvođača,
- uredno izvršiti plaćanje ugovorenih radova,
- odrediti Nadzor nad radovima i obavijestiti izvođača ko će vršiti isti.
- pravovremeno izvršavati svoje obezeze po ugovoru,
- isplatiti naknadu za izvršene i prihvaćene radove preda odrebama Ugovora.

Naručilac posla imaju pravo da vrše stručni nadzor nad radovima izvođača i da na taj način kontrolišu kvalitet radova.

USTUPANJE RADOVA DRUGOM PRUŽAOCU

Član 19.

Izvođač nema pravo ustupiti ugovorene radove u cijelosti ili djelimično drugom pravnom licu.

GARANCIJA

Član 20.

Izvođač daje garanciju da su radovi iz predmeta ovog ugovora urađeni u skladu sa važećim propisima, standardima, tehničkim normativima i pravilima struke i da odgovara za sve eventualne propuste nastale kao posljedica neadekvatnog izvršenja.

Izvođač je dužan obezbjediti bezuslovnu bankovnu garanciju za uredno izvršenje ugovora u visini od 10% od vrijednosti Ugovora najkasnije u roku 10 (deset) dana nakon potpisivanja ugovora.

Period trajanja garancije mora obuhvatati period od početka do okončaja radova po ugovoru i biti uvećan za 30 dana u odnosu na period trajanja samog ugovora/perioda izvršenja radova.

VIŠA SILA

Član 21.

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

KORIŠTENJE UGOVORNIH DOKUMENATA I INFORMACIJA - POSLOVNA TAJNA

Član 22.

Izvođaču nije dozvoljeno, bez izričitog pristanka Naručioca, objaviti Ugovor u cijelosti ili dijelovima ili informacije primljene od Naručioca. Navedeno se ne odnosi na informisanje ili pristup dokumentaciji svog osoblja ali sve samo u mjeri u kojoj je to potrebno za njihovo izvršavanje Ugovora.

Dokumente i podatke prema ovom ugovoru, Izvođač i osobe koje se navode u toj odredbi trebaju čuvati kao poslovnu tajnu tokom izvršavanja Ugovora i u daljem roku od dvije godine, te su odgovorni za povredu navedene obaveze.

RJEŠAVANJE SPOROVA I MJERODAVNO PRAVO

Član 23.

Naručioc ima pravo da raskine ugovor ako Izvođač propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorenu obavezu u roku koji bi za naručioca bio prihvatljiv. U tom slučaju ugovorni organ neće platiti Izvođaču onaj dio radova koji je u nastavku rada nemoguće koristiti.

Ugovorne strane će nastojati svaki spor iz Ugovora ili u vezi s izvršenjem istog riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, konačno će se riješiti pred nadležnim sudom u Sarajevu.

Prava i obaveze ugovornih strana regulisana su pozitivnim zakonskim propisima u BiH.

POSEBNE ODREDBE

Član 24.

Ovaj ugovor ostaje na snazi do potpunog izvršenja ugovorenih radova. Ugovorene strane mogu sporazumno otkazati ovaj ugovor i prije njegovog izvršenja ukoliko, neovisno od ugovorenih strana, nastupe okolnosti, koje bitno utiču na predmet izvršenja ugovora. U tom slučaju ugovor se raskida ili se prema potrebi zaključuje novi ugovor.

Prava i obaveze ugovornih strana, po ovom Ugovoru u svakom pogledu regulisana su pozitivnim zakonskim propisima BiH.

Sve obaveze vezane za ovaj ugovor biti će sačinjeni u pismenoj formi, uključujući i odobrenja, naloge, uputstva i sl.

ZAVRŠNE ODREDBE

Član 25.

Ovaj ugovor stupa na snagu dana 05.02.2021. godine i traje do 05.02.2022. godine.

Sastavni dio ugovora je prihvaćeni predmjer i proračun radova koji se nalazi u prilogu Ugovora.

Izvođač nema pravo zapošljavati u svrhu izvršenja ovog ugovara fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 26.

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka.

IZVOĐAČ:




Hamdija Torlak


**Electra d.o.o. Sarajevo i Fining d.o.o.
Sarajevo (Grupa ponuđača)**

Broj: 005-EL/2021
Datum: 05.02.2021.

PRILJOC:



Emir Kečević, dipl.ing.saob
Direktor


Direkcija za puteve Kantona Sarajevo


Broj: 04-14-36686-U4/18
Datum: 05.02.2021. godine

1) Redovno mjesečno održavanje pumpnih stanica Otes, Osijek, Buća potok i Stup

Redni broj 1	Opis radova 2	Količina 3	Cijena bez PDV-a 4	Ukupno (KM bez PDV-a) 5
1.1.	Ukupni mjesečni troškovi tekućeg održavanja pumpi i agregata za sisteme odvodnje podvožnjaka Otes, Buća Potok, Osijek i Stup na području Kantona Sarajevo (opis dat u tač.4. TD)	12,00	2.600,00 KM	31.200,00 KM
1.2.	Ukupni mjesečni troškovi tekućeg održavanja pumpi u podvodniku XII transferzale na Stupu za sisteme odvodnje (opis dat u tač.4. TD)	12,00	150,00 KM	1.920,00 KM
Cijena bez PDV-a				33.120,00 KM
PDV-a 17 %				5.630,40 KM
Ukupno sa PDV-om				38.750,40 KM

Redovno održavanje pumpnih stanica Otes, Osijek, Buća potok i Stup

Serijski broj	Opis radova 2	Količina 3	Cijena bez PDV-a 4	Ukupno (KM bez PDV-a) 5
	Ukupni mjesečni troškovi tekućeg održavanja pumpi i agregata za sisteme opvođne podvožnjaka Otes, Buća potok, Osijek i Stup na području Kantona Srijem (opis dat u tač.4. TD)	48,00	2.600,00	124.800,00
	Ukupni mjesečni troškovi tekućeg održavanja pumpi u podvodniku XII tranšverzale na Stupu za sisteme opvođnje (opis dat u tač.4. TD)	48,00	160,00	7.680,00
	Cijena bez PDV-a			132.480,00
	PDV-a 17 %			22.521,60
	Ukupno sa PDV-om			155.001,60



[Handwritten signature]